

Ո Ր Ո Շ ՈՒ Մ

Գրավադրված գույքը հարկադիր էլեկտրոնային աճուրդով իրացնելու մասին

03.05.2019թ.

ք.Երևան

Հարկադիր կատարումն ապահովող ծառայության Երևան քաղաքի Էրեբունի-Նուբարաշեն բաժնի հարկադիր կատարող՝ արդարադատության ավագ լեյտենանտ Հայկ Հակոբյանս, ուսումնասիրելով 05.03.2019թ. հարուցված թիվ 04983965 կատարողական վարույթի նյութերը

Պ Ա Ր Զ Ե Ց Ի

ՀՀ Երևան քաղաքի առաջին ատյանի ընդհանուր իրավասության դատարանի կողմից 01.03.2019թ. տրված թիվ ԵԴ/23484/02/18 կատարողական թերթի համաձայն պետք է Զարուհի Գագիկի Հովհաննիսյանից հոգուտ «ՎՏԲ-Հայաստան բանկ» ՓԲԸ-ի բռնագանձել 1.426.602,70 ՀՀ դրամ որպես վարկի ընդհանուր պարտքի գումարը: Ժամկետանց վարկի մնացորդի և հաշվարկված տոկոսների նկատմամբ տույժի հաշվարկը 22.10.2018թ.-ից մինչև դրա փաստացի մարումը շարունակել օրական 0.09 տոկոսով՝ յուրաքանչյուր ուշացրած օրվա համար, հիմք ընդունելով 16.02.2018թ. կնքված վարկային պայմանագրի 6.1 կետով նախատեսված տոկոսադրույքը:

Պատասխանող Զարուհի Գագիկի Հովհաննիսյանից հոգուտ «ՎՏԲ-Հայաստան բանկ» ՓԲ ընկերության բռնագանձել 59.124,6 ՀՀ դրամ, որպես նախապես վճարված պետական տուրքի գումար:

Պարտապանից պետք է բռնագանձել նաև բռնագանձման ենթակա գումարի 5 տոկոսի չափով ՀՀ դրամ գումար, որպես կատարողական գործողությունների կատարման ծախս:

Կատարողական գործողությունների ընթացքում պարզվել է, որ պարտապան Զարուհի Հովհաննիսյանի կողմից «ՎՏԲ-Հայաստան բանկ» ՓԲԸ-ում գրավադրված են ոսկյա իրեր:

Կատարողական թերթի պահանջը կատարելու համար անհրաժեշտ է մասնագիտական հատուկ գիտելիքներ, նշանակվել էր փորձագետ և ստացվել է փորձագետի եզրակացությունը:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով

Ո Ր Ո Շ Ե Ց Ի

Պարտապան Զարուհի Գագիկի Հովհաննիսյանին պատկանող ներքոհիշյալ գրավադրված գույքը

Խ/Խ	Լուծի անվանումը	գնահատման գինը	մեկնարկային գինը	քանակ	քաշը	հարգ
1	Ոսկյա մատանի տղամարդու	52.800 ՀՀ դրամ	39.600 ՀՀ դրամ	1	4.4 գրամ	583

2	Ոսկյա մատանի	57.600 ՀՀ դրամ	43.200 ՀՀ դրամ	1	4.8 գրամ	583
3	Ոսկյա ջարդոն (մատանի)	102.000 ՀՀ դրամ	76.500 ՀՀ դրամ	1	8.5 գրամ	583
4	Ոսկյա մատանի	19.200 ՀՀ դրամ	14.400 ՀՀ դրամ	1	1.6 գրամ	583
5	Ոսկյա մատանի	36.800 ՀՀ դրամ	27.600 ՀՀ դրամ	1	3.2 գրամ	560
6	Ոսկյա ջարդոն (մատանի)	85.100 ՀՀ դրամ	63.825 ՀՀ դրամ	1	7.4 գրամ	560
7	Ոսկյա ջարդոն (մատանի)	41.400 ՀՀ դրամ	31.050 ՀՀ դրամ	1	3.6 գրամ	560
8	Ոսկյա ջարդոն (ճարմանդ)	51.600 ՀՀ դրամ	38.700 ՀՀ դրամ	1	4.3 գրամ	583
9	Ոսկյա խաչ	10.800 ՀՀ դրամ	8.100 ՀՀ դրամ	1	0.9 գրամ	583
10	Ոսկյա խաչ	6.000 ՀՀ դրամ	4.500 ՀՀ դրամ	1	0.5 գրամ	583
11	Ոսկյա շղթա	102.000 ՀՀ դրամ	76.500 ՀՀ դրամ	1	8.5 գրամ	583
12	Ոսկյա շղթա վնասված	24.000 ՀՀ դրամ	18.000 ՀՀ դրամ	1	2 գրամ	583
13	Ոսկյա ժամացույց թևնոցով	307.200 ՀՀ դրամ	230.400 ՀՀ դրամ	1	25.6 գրամ	583

Ներկայացնել հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ **harkadir.ajurd.am** միջոցով: Հարկադիր էլեկտրոնային աճուրդի սկիզբը՝ **24.06.2019թ.:**

Որոշման պատճենն ուղարկել կողմերին:

Որոշումը կարող է բողոքարկվել դատական կամ վերադատության կարգով, որոշումը ստանալու օրվանից 10 օրվա ընթացքում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները:

ՀԱՐԿԱԴԻՐ ԿԱՏԱՐՈՂ՝

ԱՐԴԱՐԱԴԱՏՈՒԹՅԱՆ ԱՎԱԳ ԼԵՅՏԵՆԱՆՏ



Հ.ՀԱԿՈԲՅԱՆ

Ծ Ա Ն Ո Թ ՈՒ Թ Յ ՈՒ Ն Յուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարվելու հիմքով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինը իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լոտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լոտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լոտը /գույքը/ չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունել այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել ՀՀ ԱՆ դատական ակտերի հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լոտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լոտի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո:

